

Band X., Nr. 4574, Seite 281-282

Priorin und Konvent von Weil verkaufen zwei Weinberge [zu Stuttgart]¹ an Wernher den Kirchherrn von Leonberg.

Ohne Ortsangabe, 1294. November 30.

Wir diu priorin und der kōnvent von Wiler virichen² daz wir hern Wernher dem kircheherren von Lewenberk haben zi koffen gebin³ den wingarten der da haisset Stanihusen, dez sint drige morgen⁴ und den zi Kubintal, dez sint drithalb morgen⁵, um⁶ fiunf und sehzik pfunde und virjehen, daz er uns der giwert hat und sol die wingarten niessin und sullen sin sin, in swelheim lebin er ist, er si weltlihe oder gaislihe, so suln sie sin sin die wil er lebit, und haben im aigin und lehin an dem wingarte in zi Stainhusen gigebin und daz er den selbin wingartin fursturn sol und virjehen, daz wir⁷ im den zi Kûbintal haben gigebin fur ain vri aigin also, swa der grafe von Wirtinberk alder sin phleger reht red von uns wellen nemen, daz wir den wingart dem kircherren suln vertigen fur fri, und der uns an bihebt, daz er sturber ist, so suln wir die stur fur in gen. Er sol ohc swerster Judilun von Stûkgarten ain aimer wines dar us gebin und sol man⁸ im den wider legin von usrmen wingarten, der da haist Hartdunsrutin, und swer im mit unreht und mit giwalt die stur von dem wingart innimet, den schadin sol er an uns tragin und suln im dis vor ginanten wingarten fertigen nahc steht reht, und ub wir des nit tûgen, so suln wir im ander wingartin gebin, die im lebir sint, und also daz kiam reht zû den seben wingarten nahc sinem tode habin sol. Diz dinges sint geziug unser kaplan und brûder Friderich und brûder Heinrich und der sculhiez und sin brûder und der Nallinger und der Crûzin.

 Disiu dink sint gescehen an dem tusenden und dem CC⁹ niunzegesten und dem vierden jare von der mensheit unsers herren, an der hochgecit sante Andres. In en urkunde dirre dinge so festenen wir disen brifen mit dem insigel des conventes von Wiler, der stete von Ezzelingen.

¹Nach einem Aufschrieb auf dem Rücken der Urkunde und nach den Flurnamen.

²So die Urkunde.

³In der Urkunde: gehin.

⁴Die letzten vier Worte stehen über der ersten Zeile und sind durch Zeichen hierher verwiesen.

⁵Ebenso; dazu am Anfang: und Kobental.

⁶In der Urkunde: und.

⁷In der Urkunde: wiv.

⁸In der Urkunde: wan.

⁹CC über der Zeile.



Textabdruck folgt dem Original.

 Siegel abgegangen.

Überlieferung und Publikationen

Lagerort:

HStA Stuttgart

Signatur/Titel des Originals:

A 539 U 99

Regesten:

UB Stuttgart, S. 8, Nr. 26.

Weitere Angaben

Sprache:

Deutsch

Ausstellungsort:

Ohne Ortsangabe

Ortsindex:

(Burg) Württemberg Wüstung (21519)
 (Burg) Württemberg, Stuttgart, S, W
 Esslingen am Neckar Wohnplatz (331)
 Esslingen am Neckar, ES
 Leonberg Wohnplatz (154)
 Leonberg, BB
 Stuttgart-Mitte Wohnplatz (55)
 Stuttgart-Mitte, Stuttgart, S
 Weil Wohnplatz (351)
 Weil, Esslingen am Neckar, ES